

Fria und iatzt (2)

Nix pickt wia de Lettn in Plott.

Wonn's regn't, donn vosingst im Kot.

So wor des domois,

heet is onascht des ois:

Asphaltiert is wia in da Stodt!

G'maht wird bei da greßt'n Hitz' 's Troad,

Gorb'm bund'n donn, de Oawat is hort.

So wor des domois,

heet is onascht des ois:

Mähdresch'n: da Schwitz bleibt dasport.

Aus Quodastock g'mauat – 's is woahr –

san d'Heisa mit Gart'In davor.

Des wor fria guit gmiu,

heet schau' ma dazui,

dass's a Villa – a große – wird gor!

Beim Mist hint' a Brett'l mit Loch,

durt dunnat's und des net schwoch!

Des wor a uroida Brau,

heet samma gonz schlau:

Mir scheid'n ins's Wossaklo d'Soch!

Tarockiert wird om Sunto recht gern

da Brot'n im Rohr wird scho wer'n:

So wor fria da Brau,

heet samma gonz schlau:

An Burger kaf' ma recht gern!

Mir hob'm unsa Mundort mi'n Ui,

ma red't vo Tuin, Gruin und Kui:

Der oide Dischkur

scheniert uns heet nur:

Losst's uns mit dem G'schwafö in Ruih!

D'Leit' sog'n, dass in Plott nix possiert,
eebrocha net und um'brocht net wird.

Des geht uns net o,

wos Bessas hob'm m'a do:

In Plott wird de Wötachs'n g'schmiert.

2017

Überarbeitet Juni 2019